

## SPRM bakal dakwa 10 syarikat terbabit seleweng dana MITRA

Nasional 17



## Kes seleweng dana MITRA



Azam (kanan) bersama Mohd Zarif melihat poster elektronik mengenai kempen kesedaran pencegahan rasuah di Stesen MRT Muzium Negara, semalam.

(Foto Aizuddin Saad/BH)

## 10 syarikat akan didakwa

**Kuala Lumpur:** Siasatan Suruhanjaya Pencegahan Rasuah Malaysia (SPRM) mengenai kes penyelewengan dana Unit Transformasi Masyarakat India Malaysia (MITRA) membabitkan 10 syarikat, hampir siap.

Ketua Pesuruhjaya SPRM, Tan Sri Azam Baki, berkata pihaknya akan mengemukakan hasil siasatan kepada Timbalan Pendakwa Raya tempoh terdekat untuk dicadangkan pertuduhan.

Katanya, baki 17 lagi syarikat disiasat menerusi fasa pertama berhubung pengrusaan dana MITRA masih dijalankan.

“Kita hampir siapkan sia-

satan terhadap 10 syarikat pertama ini dan akan kemukakan kepada Timbalan Pendakwa Raya dalam tempoh terdekat untuk dicadangkan pertuduhan.

“Yang lain masih dalam siasatan dan kita bekerjasama dengan Kementerian Perpaduan Negara, menerusi penubuhan jawatan kuasa untuk meneliti tunutan yang lain-lain.

“Kita sudah merampas semua laporan dikemukakan syarikat (yang terbabit dalam menerima geran daripada MITRA) dari 2018 hingga 2020,” katanya pada sidang media, semalam.

Terdahulu, Azam melan-

carkan kempen kesedaran pencegahan rasuah di pe ngangkutan awam, bert eraskan usaha sama antara SPRM dan MRT Corp.

Yang turut hadir, Ketua Pegawai Eksekutif MRT Corp, Datuk Mohd Zarif Has him dan Pengurus Besar Kanan Sirim QAS Interna tional Sdn Bhd, Mohd Hamim Imam Mustain.

Kempen kerjasama antara SPRM dan MRT Corp dilaksana bagi tempoh empat bulan, menggunakan 48 panel atas dan 48 panel ding ding untuk mempamerkan poster cetak di dalam tren Transit Aliran Massa (MRT).